

# Das Ander Capittel.

De Montium mensuratione.

## Von den Vormessen der Berge.

**A**ls Capittel / welches vom vor-  
messen der Berge saget / gründlicher  
vnd besser zu vernemen / sol man  
erslich wissen / daß ein jeder vermef-  
sener Berg sieben Lehn / gerade für  
sich auffm gange / darnach ins hangende / des  
gangs vierthalb Lehn / vnd ins liegende ein Lehn /  
inhelt / vnd ein jedes Lehn begreiffet sieben  
Lachter feldes / das vermessen aber sol folgender  
gestalt geschehen.

Wann der Neufenger seinen gang in mas-  
sen / wie oben darvon geredt / von den Urbürer  
oder verleihher ordentlicher weise / in Lehn em-  
pfangen hat / so sol er bitten vnd begeren / ihme  
die Geschwornen zu vergönnen / seinen gang zu-  
erhalten vnd zu erkunden / Ob seine fundgru-  
be oder Berg des vermessens würdig sey oder  
nicht / deren sol ihme als baldt zwene aus vnserm  
befehl verordnet werden / die sollen in dieselbe  
gruben einfahrn / den gang des Neufengers /  
vnd alle gelegenheit desselbigen / mit fleiß besich-  
tigen / finden dann die Geschwornen Erst am  
gestein / vnd lassen auch Erz nach dem behauen  
im abbruch stehn / vnd daß das Erz zugeniessen /  
vnd

Wie viel fel-  
des ein ver-  
messener Berg  
begreiffet.

Lehn helt 7.  
Lachter.

Die gänge  
vor dem vor-  
messen zu be-  
hauen.